

益一切世尊以是緣故我等四王皆共一心

護是人王及國人民令離災患常得安隱世

尊若有苾芻苾芻尼邬波索迦邬波斯迦持

是經者時彼人王隨其所須供給供養令無
之少我等四王令彼國主及以國人悉皆安
隱遠離災患世尊若有受持讀誦是經典者

人王於此供養恭敬尊重讚歎我等當令彼
王於諸王中恭敬尊重最爲第一諸餘國王
其所稱歎大衆聞已歡喜受持

十四

金光明最勝王經卷第五

場五

柔軟

鞞金挺

徒頂突

虧

苦易

誕

但時

知柳天

膝

悉赫奕

上平韻支下音

亦睇他計鼻許救

藉

才夜

牛

光明盛兒

反

吸

及許

豐稔

下而

歲有

也

反

蟲蛆

上直弓

反

持去來現在諸佛正法汝等四王及餘天衆
并諸藥叉與阿蘇羅共鬪戰時常得勝利汝
等若能護持是經由經力故能除衆苦怨賊
饑饉及諸疾疫是故汝等若見四衆受持讀
誦此經王者亦應勤心共加守護爲除衰惱
施與安樂

金光明最勝王經卷第六

唐三藏法師義淨奉

制

譯

場六

四天王護國品第十二

爾時世尊聞四天王恭敬供養金光明經及
能擁護諸持經者讚言善哉善哉汝等四王
已於過去無量百千萬億佛所恭敬供養尊

文列

爾時四天王即從座起偏袒右肩右膝著地合掌恭敬白佛言世尊此金光明最勝經王於未來世若有國土城邑聚落山林曠野隨所至處流布之時若彼國王於此經典至心聽受稱歎供養并復供給受持是經四部之衆深心擁護今離衰惱以是因緣我護彼王

及諸人衆皆令安隱速離憂苦增益壽命威德具足世尊若彼國王見於四衆受持經者恭敬守護猶如父母一切所須悉皆供給我等四王常爲守護今諸有情無不尊敬是故我等并與無量藥叉諸神隨此經王所流布處潛身擁護令無留難亦當護念聽是經人諸國王等除其衰患悉令安隱他方怨賊皆使退散若有人王聽是經時隣國怨敵興如是念當具四兵壞彼國土世尊以是經王威神力故是時隣敵更有異怨而來侵擾於其境界多諸灾變疫病流行時王見已即嚴四兵發向彼國欲爲討伐我等爾時當與眷屬

無量無邊藥叉諸神各自隱形爲作護助今彼怨敵自然降伏尚不敢來至其國界誰復得有兵戈相伐

爾時佛告四天王善哉善哉汝等四王乃能擁護如是經典我於過去百千俱胝那庾多劫修諸苦行得阿耨多羅三藐三菩提證一

場六

切智今說是法若有人王受持是經恭敬供養者爲消衰患令其安隱亦復擁護城邑聚落乃至怨賊悉令退散亦令一切瞻部洲內所有諸王永無衰惱鬪諍之事四王當知此瞻部洲八萬四千城邑聚落八萬四千諸人王等各於其國受諸快樂皆得自在所有財寶豐足受用不相侵奪隨彼宿因而受工報不起惡念貪求他國咸生少欲利樂之心無有鬭戰繫縛等苦其土人民自然受樂上下和穆猶如水乳情相愛重歡喜遊戲慈悲謙讓增長善根以是因緣此瞻部洲安隱豐樂人民熾盛大地沃壤寒暑調和時不乖序日

月星宿常度無虧風雨隨時離諸災橫資產財寶皆悉豐盈心無憚鄙常行惠施具十善業若人命終多生天上增益天衆大王若未來世有諸人王聽受是經恭敬供養并受持經四部之衆尊重稱讚復欲安樂饒益汝等及諸眷屬無量百千諸藥叉衆是故彼王常

當聽受是妙經王由得聞此正法之水甘露上味增益汝等身心勢力精進勇猛福德威光悉令充滿是諸人王若能至心聽受是經則為廣大希有供養供養於我釋迦牟尼應正等覺若供養我則是供養過去未來現在百千俱胝那庾多佛若能供養三世諸佛則

場六

三

得無量不可思議功德之聚以是因緣汝等應當擁護彼王后妃眷屬令無衰惱及宮宅神常受安樂功德難思是諸國土所有人民亦受種種五欲之樂一切惡事皆令消殄爾時四天王白佛言世尊於未來世若有人王樂聽如是金光明經為欲擁護自身后妃

王子乃至內宮諸嬌女等城邑宮殿皆得第一不可思議最上歡喜寂靜安樂於現世中王位尊高自在昌盛常得增長復欲攝受無量無邊難思福聚於自國土今無怨敵及諸憂惱災厄事者世尊如是人王不應放逸今心散亂當生恭敬至誠慇重聽受如是最勝

經王欲聽之時先當莊嚴最上宮室王所愛重顯敞之處香水灑地散衆名華安置師子殊勝法座以諸珍寶而為校飾張施種種寶蓋幢旛燒無價香奏諸音樂其王爾時當淨澡浴以香塗身著新淨衣及諸瓔珞坐小卑座不生高舉捨自在位離諸憍慢端正念

聽是經王於法師所起大師想復於宮內后妃王子嬌女眷屬生慈愍心喜悅相視和顏輭語於自身心大喜充遍作如是念我今獲得難思殊勝廣大利益於此經王盛興供養既敷設已見法師至當起虔敬渴仰之心爾時佛告四天王不應如是不迎法師時彼

人王應著純淨鮮潔之衣種種瓔珞以爲嚴飾自持白蓋及以香華備整軍儀盛陳音樂步出城闕迎彼法師運想虔恭爲吉祥事四王以何因緣令彼人王親作如是恭敬供養承由彼人王舉足下足步步即是恭敬供養承事尊重百千萬億那庾多諸佛世尊復得超越如是劫數生死之苦復於來世如是劫數當受輪王殊勝尊位隨其步步亦於現世福德增長自在爲王感應難思衆所欽重當於無量百千億劫人天受用七寶宮殿所在生處常得爲王增益壽命言詞辯了人天信受無所畏懼有大名稱咸共瞻仰天上人中受

勝妙樂獲大力勢有大威德身相奇妙端嚴無比值天人師遇善知識成就具足無量福聚四王當知彼諸人王見如是等種種無量功德利益故應自往奉迎法師若一踰繕那乃至百千踰繕那於說法師應生佛想還至城已作如是念今日釋迦牟尼如來應正等

方六

四

覺入我宮中受我供養爲我說法我聞法已即於阿耨多羅三藐三菩提不復退轉即是值遇百千萬億那庾多諸佛世尊我於今日即是種種廣大殊勝上妙樂具供養過去未來現在諸佛我於今日即是求拔琰摩王界地獄餓鬼傍生之苦便爲已種無量百千萬億轉輪聖王釋梵天主善根種子當今無量百千萬億衆生出生生死苦得涅槃樂積集無量無邊不可思議福德之聚後宮眷屬及諸人民皆蒙安隱國土清泰無諸災厄毒害惡人他方怨敵不來侵擾遠離憂患四王當知時彼人王應作如是尊重王法亦於受持是

妙經典苾芻苾芻尼鄒波索迦鄒波斯迦供養恭敬尊重讚歎所獲善根先以勝福施與汝等及諸眷屬彼之人王有大福德善業因緣於現世中得大自在增益威光吉祥妙相皆悉莊嚴一切怨敵能以正法而摧伏之爾時四天王白佛言世尊若有人王能作如

場六

五

是恭敬正法聽此經王並於四衆持經之人
恭敬供養尊重讚歎時彼人王欲爲我等生
歡喜故當在一邊近於法座香水灑地散衆
名華安置處所設四王座我與彼王共聽正
法其王所有自利善根亦以福分施及我等
世尊時彼人王請說法者昇座之時便爲我
等燒衆名香供養是經出尊時彼香烟於一
念頃上昇虛空即至我等諸天宮殿於虛空
中變成香蓋我等天衆聞彼妙香香有金光
照曜我等所居宮殿乃至梵宮及以帝釋大
辯才天大吉祥天堅牢地神正了知大將二
十八部諸藥叉神大自在天金剛密主寶賢
大將訶利底母五百眷屬無熱惱池龍王大
海龍王所居之處出尊如是等衆於自宮殿
見彼香烟一剎那頃變成香蓋聞香芬馥觀
色光明遍至一切諸天神宮佛告四天王是
香光明非但至此宮殿變成香蓋放大光明
由彼人王手執香爐燒衆名香供養經時其

香烟氣於一念頃遍至三千大千世界百億
日月百億妙高山王百億四洲於此三千大
千世界一切天龍藥叉健闡婆阿蘇羅揭路
茶緊那羅莫呼洛伽宮殿之所於虛空中充
滿而住種種香烟變成雲蓋其蓋金色普照
天宮如是三千大千世界所有種種香雲香
蓋皆是金光明最勝王經威神之力是諸人
王手持香爐供養經時種種香氣非但遍此
三千大千世界於一念頃亦遍十方無量無
邊恒河沙等百千萬億諸佛國土於諸佛上
虛空之中變成香蓋金色普照亦復如是時
彼諸佛聞此妙香覩斯雲蓋及以金色於十
方界恒河沙等諸佛出尊現神變已彼諸世
尊悉共觀察異口同音讚法師曰善哉善哉
汝大丈夫能廣流布如是甚深微妙經典則
爲成就無量無邊不可思議福德之聚若有
聽聞如是經者所獲功德其量甚多何況書
寫受持讀誦爲他敷演如說修行何以故善

場六

男子若有衆生聞此金光明最勝王經者即於阿耨多羅三藐三菩提不復退轉

爾時十方有百千俱胝那庾多無量無數恒河沙等諸佛刹土彼諸刹土一切如來異口同音於法座上讚彼法師言善哉善哉善男子汝於來世以精勤力當修無量百千苦行

具足資糧超諸聖衆出過三界爲最勝尊當坐菩提樹王之下殊勝莊嚴能救三千大千世界有緣衆生善能摧伏可畏形儀諸魔軍衆覺了諸法最勝清淨甚深無上正等菩提善男子汝當坐於金剛之座轉於無上諸佛所讚十二妙行甚深法輪能擊無上最大法

故能吹無上極妙法螺能建無上殊勝法幢能然無上極明法炬能降無上甘露法雨能斷無量煩惱怨結能令無量百千萬億那庾輪迴值遇無量百千萬億那庾多佛爾時四天王復白佛言世尊是金光明最勝

王經能於未來現在成就如是無量功德是故人王若得聞是微妙經典即是已於百千萬億無量佛所種諸善根於彼人王我當護念復見無量福德利故我等四王及餘眷屬無量百千萬億諸神於自宮殿見是種種香烟雲蓋神變之時我當隱蔽不現其身爲聽

場六

七

法故當至是王清淨嚴飾所止宮殿講法之處如是乃至梵宮帝釋大辯才天大吉祥天堅牢地神正了知大將二十八部諸藥叉神大自在天金剛密主寶賢大將訶利底母五百眷屬無熱惱池龍王大海龍王無量百千萬億那庾多諸天藥叉如是等衆爲聽法故皆不現身至彼人王殊勝宮殿莊嚴高座說法之所世尊我等四王及餘眷屬藥叉諸神皆當一心共彼人王爲善知識因是無上大法施主以甘露味充足於我是故我等擁護是王除其衰患令得安隱及其宮殿城邑國土諸惡災變悉令消滅爾時四天王俱共合

掌白佛言世尊若有人王於其國土雖有此經未嘗流布心生捨離不樂聽聞亦不供養尊重讚歎見四部衆持經之人亦復不能尊重供養遂令我等及餘眷屬無量諸天不得聞此甚深妙法背甘露味失正法流無有威光及以勢力增長惡趣損滅人天墜生死河

乘涅槃路出尊我等四王并諸眷屬及藥叉等見如斯事捨其國土無擁護心非但我等捨棄是王亦有無量守護國土諸大善神悉皆捨去既捨離已其國當有種種災禍喪失國位一切人衆皆無善心唯有繫縛殺害瞋謾互相譏詬枉及無辜疾疫流行彗星數出兩日並現薄觸無恒黑白二虹表不祥相星流地動井內發聲暴雨惡風不依時節常遭饑饉苗實不成多有他方怨賊侵掠國內人民受諸苦惱土地無有可樂之處世尊我等四王及與無量百千天神并護國土諸舊善神遠離去時生如是等無量百千災怪惡事

世尊若有人王欲護國土常受快樂欲令眾生咸蒙安隱欲得摧伏一切外敵於自國境永得昌盛欲令正教流布世間苦惱惡法皆除滅者世尊是諸國王必當聽受是妙經王亦應恭敬供養讀誦受持經者我等及餘無量天衆以是聽法善根威力得服無上甘露

場六

八

法味增益我等所有眷屬并餘天神皆得勝利何以故以是人王至心聽受是經典故世尊如大梵天於諸有情常為宣說世出世論帝釋復說種種諸論五遍神仙亦說諸論世尊梵天帝釋五通仙人雖有百千俱胝那庾多無量諸論然佛世尊慈悲哀愍為人天衆說金光明微妙經典比前所說勝彼百千俱胝那庾多倍不可為喻何以故由此能令諸瞻部洲所有王等正法化世能與衆生安樂之事為護自身及諸眷屬令無苦惱又無他方怨賊侵害所有諸惡悉皆遠去亦令國土灾厄屏除化以正法無有諍訟是故人王各

於國土當然法炬明照無邊增益天衆并諸眷屬世尊我等四王無量天神藥叉之衆瞻部洲內所有天神以是因緣得服無上甘露法味獲大威德勢力光明無不具足一切衆生皆得安隱復於來世無量百千不可思議那庾多劫常受快樂復得值遇無量諸佛種諸善根然後證得阿耨多羅三藐三菩提如是無量無邊勝利皆是如來應正等覺以大慈悲過諸梵衆以大智慧逾於帝釋修諸苦行勝五通仙百千萬億那庾多信不可稱計爲諸衆生演說如是微妙經典今贍部洲一切國主及諸人衆明了世間所有法式治國化人勸導之事由此經王流通力故普得安樂此等福利皆是釋迦大師於此經典廣爲流通慈悲力故世尊以是因緣諸人王等皆應受持供養恭敬尊重讚歎此妙經王何以故如是等不可思議殊勝功德利益一切都是

場六

九

爾時世尊復告四天王汝等四王及餘眷屬無量百千俱胝那庾多諸天大衆見彼人王若能至心聽是經典供養恭敬尊重讚歎者應當擁護除其衰患能令汝等亦受安樂若四部衆能廣流布是經王者於人天中廣作佛事普能利益無量衆生如是之人汝等四

王常當擁護如是四衆勿使他緣共相侵擾今彼身心寂靜安樂於此經王廣宣流布令不斷絕利益有情盡未來際

爾時多聞天王從座而起白佛言世尊我有如意寶珠陀羅尼法若有衆生樂受持者功德無量我常擁護今彼衆生離苦得樂能成福智二種資糧欲受持者先當誦此護身之呪即說呪曰

南謨薜室羅末拏也 莫訶曷羅闍也但是也
引自怛姪他羅羅羅 矩怒矩怒 區
怒區怒 寂怒寂怒 鳴縛鳴縛 聾羅聾
故名曰最勝經王

訶曷嚩社曷咯叉曷咯叉 靚漫自稱 薩

婆薩埵難者 莎訶此之二字皆長引聲

世尊誦此呪者當以白線呪之七遍一遍一

結繫之肘後其事必成應取諸香所謂安息
栴檀龍腦蘇合多揭羅薰陸皆須等分和合
一處手執香爐燒香供養清淨澡浴著鮮潔

衣於一靜室可誦神呪

請我薛室羅末擎天王即說呪曰

南謨薛室羅末擎引也 南謨檀那馱也

檀泥說羅引也 阿揭擣 阿鉢喇弭多

檀泥說羅 鉢羅麼 迦留尼迦 薩婆薩

煙四哆振六 多麼麼尼檀那

十

擣碎闍摩揭擣 莎訶

此呪誦滿一七遍已次誦本呪欲誦呪時先
當稱名敬禮三寶及薛室羅末擎大王能施
財物今諸衆生所求願滿悉能成就與其安
樂如是禮已次誦薛室羅末擎王如意末尼
寶心神呪能施衆生隨意安樂爾時多聞天

王即於佛前說如意末尼寶心呪曰

南謨曷喇怛娜

怛喇夜引也

南謨薛室

羅末擎引也

莫訶囉闍引也

怛姪他

四弭四弭

蘇母蘇母 梅茶梅茶 折囉

折囉

薩囉薩囉 羯囉羯囉 枳哩枳哩

矩嚕矩嚕

母嚕母嚕 主嚕主嚕 婆

大也頰貪 我名某甲 昵店頰他 達達
觀莎訶 南謨薛室羅末擎也 莎訶 檀
那馱也 莎訶 曼奴喇他鉢喇脯喇迦引
也 莎訶

受持呪時先誦千遍然後於淨室中瞿摩塗
地作小壇場隨時飲食一心供養常然妙香

令烟不絕誦前心呪晝夜繫心唯自耳聞勿
令他解時有薛室羅末擎王子名禪臘師現
童子形來至其所問言何故須喚我父即可
報言我爲供養三寶事須財物願當施與時
禪臘師聞是語已即還父所白其父言今有
善人發至誠心供養三寶少乏財物爲斯請

召其父報曰汝可遠去日日與彼一百迦利沙波擊此是根本梵音唯見貝齒而隨方不摩揭陀現今通用一迦利沙波擊有金銀銅鐵等錢然百貝齒現今通用一迦利沙波擊有一千六本云人荷呢得成就者獲物之時自知其數有形多有神驗除不志心也

其持呪者見是相已知事得成當須獨處淨室燒香而卧可於牀邊置一香篋每至天曉觀其篋中獲所求物每得物時當日即須供養三寶香華飲食兼施貧乏皆令罄盡不得停留於諸有情起慈悲念勿生瞋詬詔害之心若起瞋者即失神驗常可護心勿令瞋恚又持此呪者於每日中憶我多聞天王及男女眷屬稱揚讚歎恒以十善共相資助令彼天等福力增明衆善普臻證菩提持呪之人衆見是事已皆大歡喜共來擁衛持呪之人又持呪者壽命長遠經無量歲永離三塗常無灾厄亦令獲得如意寶珠及以伏藏神通自在所願皆成若求官榮無不稱意亦解一

一切禽獸之語世尊若持呪時欲得見我自身現者可於月六日或十五日於白氈上畫佛形像當用木膠雜彩莊飾其畫像人爲受八戒於佛左邊作吉祥天女像於佛右邊作我多聞天像并畫男女眷屬之類安置坐處咸今如法布列華彩燒衆名香然燈續明晝夜

無歇止妙飲食種種珍奇發殷重心隨時供養受持神呪不得輕心請召我時應誦此呪南謨室喇健那引也 勃陀引也 南謨薛室囉末擎也 藥叉同下也 莫訶囉提弊引囊 怛姪他 怛囉怛囉 噗嚕咄

嚕 末囉末囉 窠率吐窩率吐 漢娜漢娜 末尼羯諾迦 跖折囉薛瑣璃也 目底迦楞訖嚕哆 設囉囊蒲引 薩婆薩埵 呶嚕囉迦引摩 薛室囉末擎 室喇夜提鼻跋囉婆引也 聰嚕囉 嘴嚕 啾毗藍婆瞿嚕擎瞿嚕擎 林反 喇婆林喇婆 達

默啞麼麼

阿目迦那末寫

自播己名

達哩設

那迦末寫 達哩設南 嘻嘻末那 鉢喇

曷羅大也 莎訶

世尊我若見此誦呪之人復見如是盛興供養即生慈愛歡喜之心我即變身作小兒形或作老人苾芻之像手持如意末尼寶珠并

持金囊入道場內身現恭敬口稱佛名語持呪者因隨汝所求皆今如願或隱林藪或造寶珠或欲衆人愛寵或求金銀等物欲持諸呪皆今有驗或欲神通壽命長遠及勝妙樂無不稱心我今且說如是之事若更求餘皆隨所願悉得成就寶藏無盡功德無窮假使日月隕墮于地或可大地有時移轉我此實語終不虛然常得安隱隨心快樂世尊若有人能受持讀誦是經王者誦此呪時不假疲勞法速成就世尊我今爲彼貧窮困厄苦惱衆生說此神呪今獲大利皆得富樂自在無患乃至盡形我當擁護隨逐是人爲除災厄

亦復今此持金光明最勝王經流通之者及侍呪人於百步內光明照燭我之所以有千藥叉神亦常侍衛隨欲驅使無不遂心我說實語無有虛誑唯佛證知時多聞天王說此呪已佛言善哉大王汝能破裂一切衆生貧窮苦網今得富樂說是神呪復今此經廣行於

世時四天王俱從座起偏袒一肩頂禮雙足右膝著地合掌恭敬以妙伽他讚佛功德佛面猶如淨滿月亦如千日放光明

第6 目淨脣廣若青蓮 齒白齊密猶珂雪
佛德無邊如大海 無限妙寶積其中
智慧德水鎮恒盈 百千勝定咸充滿

足下輪相皆嚴飾 穀輞千輻采齊平
手足綬網遍莊嚴 猶如鵝王相具足
佛身光耀等金山 清淨殊特無倫匹
亦如妙高功德滿 故我誓首佛山王
相好如空不可測 逾於千月放光明
皆如燄幻不思議 故我誓首心無著

爾時四天王讚歎佛已出尊亦以伽他而答之曰

此金光明最勝經 無上十力之所說
汝等四王常擁衛 應生勇猛不退心
此妙經寶極甚深 能與一切有情樂
由彼有情安樂故 常得流通贍部洲

於此大千世界中 所有一切有情類
餓鬼傍生及地獄 如是苦趣悉皆除
住此南洲諸國王 及餘一切有情類
由經威力常歡喜 皆蒙擁護得安寧
亦使此中諸有情 除衆病苦無賊盜
賴此國土弘經故 安隱豐樂無違惱

若人聽受此經王 欲求尊貴及財利
國土豐樂無違諍 隨心所願悉皆從
能令他方賊退散 於自國界常安隱
由此最勝經王力 離諸苦惱無憂怖
如寶樹王在宅內 能生一切諸樂具
最勝經王亦復然 能與人王勝功德

譬如澄潔清冷水

能除飢渴諸熱惱

最勝經王亦復然

今樂福者心滿足

如人室有妙寶鑑

隨所受用悉從心

最勝經王亦復然

福德隨心無所乏

汝等天主及天衆

應當供養此經王

若能依教奉持經

智慧威神皆具足

場六

十四

現在十方一切佛 咸共護念此經王
見有讀誦及受持 稱歎善哉甚希有
若有人能聽此經 身心踊躍生歡喜
常有百千藥叉衆 隨所住處護斯人
於此世界諸天衆 其數無量不思議
悉共聽受此經王 歡喜護持無退轉

若人聽受此經王 威德勇猛常自在
增益一切人天衆 今離衰惱益光明
爾時四天王聞是頌已歡喜踊躍白佛言世
尊我從昔來未曾得聞如是甚深微妙之音
心生悲喜涕淚交流舉身戰動證不思議希
有之事以天曼陀羅華摩訥曼陀羅華而散

佛上作是殊勝供養佛已白佛言世尊我等
四王各有五百藥叉眷屬常當處處擁護是
經及說法師以智光明而為助衛若於此經
所有句義忘失之處我皆令彼憶念不忘并
與陀羅尼殊勝法門令得具足復欲令此最
勝經王所在之處為諸衆生廣宣流布不速

隱沒

爾時世尊於大衆中說是法時無量衆生皆
得大智聰敏辯才攝受無量福德之聚離諸
憂惱發喜樂心善明衆論登出離道不復退
轉速證菩提

金光明最勝王經卷第六 場六

潛昨盐反計伐上他老反謀也 兵戈下古拔

壤上烏毒反下而兩反 敵昌兩反虛 瑣摩以上

涯者染反亦作剝失染反謂苦樂竝受故名雙世也 摩羅或云闍摩羅無

薄蝕音食侵也反 讷諂言譜助銜反辜罪也 菩星

金光明最勝王經卷第七 場七

唐三藏法師義淨奉 制 譯

無染著陀羅尼品第十三

爾時世尊告具壽舍利子今有法門名無染
著陀羅尼是諸菩薩所修行法過去菩薩之
所受持是菩薩母說是語已具壽舍利子白

氣一掠劫向反奪也 薛蒲閉擎足加塞求
颶蘇合麼莫可駄唐賀捨尺者四虛器哆
臻羊遜反又娜奴可昵尼吉罄盡上牽
膠至也嚙吉醫於計林敷蘇沒反澤走
跋折蒲未反喫吉嚙吉醫於計林敷蘇沒反澤走
水穀音福輻音福車音福縵網上真官反